

► *Despues di un bon actuacion cu Orioles:*

Calvin Maduro lo pitcha pa Leones di Caracas



CARACAS-E equipo di Leones di Caracas a anuncia e lanzador Arubano Calvin Maduro pa e temporada cu ta start awenochi. Calvin Maduro a tira temporada pasa caba cu e team di Leones di Caracas y a registra un record di 3 ganá y 2 perdí cu efectividad di 3.45.

Calvin Maduro a cumpli cu un actuacion meritorio den e team di Orioles di Baltimore e temporada aki.

Den su ultimo actuacion el a gana di Yankees di New York. Leones di Caracas fuera di Calvin Maduro lo conta tambe cu e pitchernan: Mark Guerra cu a tira den Triple A cu Astros di Houston, ademas Travis Driskill, Dave Evans cu ta un relevista, Juan Diego Arteaga y Tyler Walker.